

Inatsisartut suleriaasianni § 37 imm. 1 naapertorlugu, Naalakkersuisunut apeqqutit matumuuna allakkatigut saqqummiunneqarput.

Naalakkersuisunut apeqqutit:

- 1. Inatsisit akuerineqarnikut naapertorlugit, kikkuuppat "kalaallit", inatsisitigullu Kalaallit Nunaanni taamatut taaguusersuisinnaanissamut suut piumasaqaataappat? Assigiinngitsunik piumasaqaateqarpat inatsiseqarpallu, taakkua ataasiakkaarlugit akeqquneqarput.**
- 2. Naalakkersuisut naapertorlugit, suut ersarissumik piumasaqaatigineqartillutik inuit "inuaat kalaaliulertarpat"¹ tassanngalu pisinnaatitaaffeqalerlutik?**
- 3. Naalakkersuisut, tassaasut "inuaat kalaallit" sinnerlugit oqaaseqartartut, Namminersorlutik Oqartussanut inunnik "inuaat kalaaliusutut" inuiaassuseqarnerlutik pisinnaatitaaffeqarsinnaanerlutillu saaffiginnittunut itigartitsinikuuppat/akuersinnginnikuuppat?**
- 4. Naalakkersuisut naapertorlugit, "Inuaat Kalaallit"² Kalaallit Nunaanni immikkut pisinnaatitaaffeqarpat?**

(Inatsisartunut ilaasortaq Jens Napaattooq, Naleraq)

Tungavilersuut:

"Kalaaliussaguni" inuk, pineqartoq Nordisk-iusuussaaq, imaluunniit Naalagaaffik Danmark akuerisaanik Kalaallit Nunaanni Ukiut 5+ najugaqarsimasariaqassaaq. Taamaasillunigooq, Naalakkersuisut isumaat malillugu, tassaassaarooq nalornissuteqanngitsumik "kalaaliusooq". Taamatut Aalisarnermut Piniarnermullu Naalakkersuisooq uanga apeqqutinnut akissuteqarpoq (§ 37 apeqqut nr. 159-2024).

Kisianni, Aalisarnermut Piniarnermullu Naalakkersuisup tassanerpiaq akissuteqarnermini aamma akivoq, tamannagooq kalaaliussuseqarnermut tunnganngitsoq, sooq maanna apeqquteqaqqittariaqartunga, paasisariaqarmat Naalakkersuisut qanorpiaq marloqiusumik oqaaseqarnerminni isumaqavinnermut, qanorlu inatsiseqarnermut.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasooq aallaavigineqassaaq.

¹ Lov om Grønlands Selvstyre (LOV nr 473 af 12/06/2009)

² Lov om Grønlands Selvstyre (LOV nr 473 af 12/06/2009)